



DET KONGELEGE DIGITALISERINGS- OG FORVALTNINGSDEPARTEMENT

Noregs forskingsråd
Postboks 564
1327 LYSAKER

Dykkar ref

Vår ref

Dato

24/545-2

19. februar 2024

Tildelingsbrev 2024 – Noregs forskingsråd

1. Innleiing

Digitaliserings- og forvaltningsdepartementet (DFD) gir i dette tildelingsbrevet styringssignal og tildeler midlar til Noregs forskingsråd (Forskningsrådet) for 2024. Vi viser til Prop. 1 S (2023–2024), Prop. 1 S Tillegg 2 (2023–2024) og Innst. 16 S (2023–2024) vedtatt i Stortinget 15. desember 2023. DFD viser også til tildelingsbrev til Forskningsrådet frå Kunnskapsdepartementet (KD) som etatsstyrande departement.

2. Mål, strategiske område og styringsinformasjon for Noregs forskingsråd

Forskningsrådet har fem mål:

- Mål 1: Auka vitenskapleg kvalitet
- Mål 2: Auka verdiskaping i næringslivet
- Mål 3: Møte store samfunnsutfordringar
- Mål 4: Eit velfungerande forskningssystem
- Mål 5: God rådgjeving

Vi viser også til KD sitt tildelingsbrev som etatsstyrar for nærare omtale av mål, strategiske område og styringsinformasjon.

2.1. Sektorpolitiske prioriteringar frå DFD

Tildelingane frå DFD til Forskningsrådet skal i særleg grad medverke til måloppnåing under mål 2: Auka verdiskaping i næringslivet og mål 3: Møte store samfunnsutfordringar. DFD er opptatt av forskning som medverkar til innovasjon i offentleg sektor, ei forvaltning bygd på demokrati, rettstryggleik, integritet og effektivitet, IKT-forskning og digitalisering. Midlane skal medverke til langsiktig kompetanse- og kunnskapsoppbygging innanfor ansvarsområda til DFD. Løyvingane skal underbygge og gje eit godt grunnlag for fagleg utvikling av

Postadresse
Postboks 8004 Dep
0030 Oslo
postmottak@dfd.dep.no

Kontoradresse
Akersg. 59
www.dfd.dep.no

Telefon*
22 24 90 90
Org.nr.
932 384 469

Avdeling
Avdeling for styring og
organisasjon

Saksbehandlar
Victoria Croff
Dreyer
22 24 71 82

forvaltninga, og medverke til at det finst kompetente forskingsmiljø innanfor departementet sitt sektoransvar. Dette omfattar også vidareføring av pågåande innovasjonstiltak i kommunesektoren.

Tildelinga skal medverke til å utvikle kunnskapsgrunnlaget for og innovasjon i offentleg sektor på alle nivå. Løyvinga skal bidra til å dekke behov for langsiktig oppbygging av kunnskap innanfor IT-forsking og forskning på elektronisk kommunikasjon i regi av Noregs forskingsråd. DFD legg til grunn at satsinga blir vidareført på dagens nivå.

2.2. Styringsinformasjon

Når det gjeld omtale av styringsinformasjon for dei fem måla, viser vi til KD sitt tildelingsbrev som etatsstyrar, punkt 2 Mål, strategiske områder og styringsinformasjon.

Styringsinformasjon (dvs. ulike dimensjonar) knytt til sektoransvaret går fram av krav til rapportering for årsrapport 2024 (departementsvise rapporter) jf. vedlegg 1 til KD sitt tildelingsbrev. Vi viser til punkt 5 Rapportering i dette tildelingsbrevet for presisering av dei sektorpolitiske prioriteringane DFD ventar at Forskningsrådet skal rapportere på.

3. Tildeling for 2024

For 2024 tildeles Forskningsrådet totalt 151,1 mill. kroner.

Løyvingane som går til forskingsformål i Forskningsrådet er samla på éin post, på kap. 1500, post 50. Vidare er løyvingane som går til gjennomstrøymingsmidlar via Forskningsrådet overført til kap. 1500, ny post 51 Gjennomstrøymingsmidlar til forskingsinstitutt.

3.1. Forskningsmidlar til Noregs forskingsråd m.m.

DFD stiller 101,7 mill. kroner til disposisjon for Forskningsrådet på kap. 1500, post 50 til ulike forskingsformål.

Av løyvinga på posten er 90,3 mill. kroner til IKT-forsking og 11,4 mill. kroner til innovasjon i offentleg sektor og ein del av forskingsprogrammet DEMOS knytt til forvaltningsforskning. Løyvinga skal dekke DFD sitt behov for langsiktig kunnskapsoppbygging i regi av Noregs forskingsråd.

For å nå måla i langtidsplanen for forskning og høgare utdanning er det viktig med tilgang til nok reknekraft. For å sikre tilgang til superdatamaskinar i Europa gjekk Noreg frå 1. januar 2019 inn i eit samarbeid med sju andre europeiske land som søkte om og fekk tilslag på midlar frå EU til å bygge ein av dei kraftigaste super-datamaskinane i verda. Det er viktig at kompetansen hos aktuelle brukarar av dei nye superdatamaskinane blir styrkt. For å bidra til dette arbeidet fekk Uninett Sigma2 i 2023 tilskot frå Noregs forskingsråd på 10 mill. kroner over to år. Tilskotet blir vidareført i 2024.

Det er viktig for DFD og Kommunal- og distriktsdepartementet (KDD) at delinga av departementet ikkje får utilsikta verknader for iverksette og planlagde satsingar innanfor forvaltnings-, regional- og valforskning, og kapasitetsløft. For 2024 skal derfor kap. 1500, post 50 og KDDs kap. 500, post 50 sjåast i samanheng, og pågåande prosjekt finansiert av KDD skal vidareførast for prosjektperioden.

3.2. Gjennomstrøymingsmidlar til forskingsinstitutt

DFD stiller 48,437 mill. kroner til disposisjon for Forskringsrådet på kap. 1500, post 51 til gjennomstrøymingsmidlar.

Gjennomstrøymingsmidlar er definert som grunnløyving som går via Forskringsrådet til forskingsinstitutt og løyving til vitensenter. Løyvinga inkluderer finansiering av Simula Research Laboratory som går gjennom Forskringsrådet. Dette inkluderer ei grunnfinansiering og finansiering av følgjande forskingssenter: Robuste nett-senter (CRNA), Simula UiB og Effektiv Digitalisering av Offentlig Sektor (EDOS).

Simula driv grunnleggande langsiktig forskning på utvalde område innanfor programvare og kommunikasjonsteknologi. Via Forskringsrådet får Simula ei grunnfinansiering og støtte til forskingssentera CRNA og Simula UiB frå DFD. CRNA produserer mellom anna ein årleg rapport om norske mobilnett. Simula UiB utdannar kryptologar. Det er ein føresetnad for at Simula UiB og CRNA får stønad frå departementet at arbeidet blir evaluert jamleg og at resultatane er gode. Neste evaluering er i gang, og sluttrapporten er venta rundt årsskiftet 2024/2025.

Midlane skal bidra til forskning på elektronisk kommunikasjon, både når det gjeld tryggleik, teknologiske, næringsmessige og samfunnsmessige forhold. Viktige tema kan vere forskning på 5G og 6G, tingas internett, samfunnstryggleik, transportnett og kjernenett, samt nasjonal og regional autonomi.

Forskringsprogrammet EDOS skal bidra til å analysere informasjon om digitalisering i offentleg sektor, og med å skaffe og spreie kunnskap om korleis offentleg sektor kan lykkast betre med å sikre gevinstar av digitaliseringsinvesteringar og unngå kostnadsoverskridingar.

Midlane blir fordelt slik:

Satsingar	Budsjett (tal i 1 000 kr)
CRNA	13 627
Simula@UiB	5 663
SIMULA - Grunnløyving	23 189
EDOS	5 958
Sum	48 437

3.3. Oppfølging av norsk deltaking i Programmet for et digitalt Europa (DIGITAL)

DFD stiller 1 mill. kroner til disposisjon for Forskringsrådet på kap. 1541, post 22 til oppfølging av norsk deltaking i Programmet for et digitalt Europa (DIGITAL).

Det er vedteke at Digitaliseringsdirektoratet, Innovasjon Noreg og Noregs forskingsråd saman har det daglege ansvaret for oppfølging av norsk deltaking i DIGITAL. Midlane som tildeles til Noregs forskingsråd skal nyttast til drift av nasjonalt koordineringspunkt for

DIGITAL. Framtidige finansieringsbehov for denne oppgåva blir behandla som del av dei ordinære budsjettprosessane.

DFD har det overordna ansvaret for å koordinere oppfølginga av norsk deltaking i DIGITAL og leier ei styringsgruppe for dette. Styringsgruppa skal brukast aktivt for å etablere effektiv mobilisering til, og oppfølging av, norsk deltaking i DIGITAL.

DFD avklarar i samråd med Noregs forskingsråd forholdet mellom styringsgruppa for DIGITAL og den ordinære styringsdialogen.

4. Felles post for verksemdskostnader

Verksemdskostnadene over KD sitt kap. 285, post 55 skal dekke alle kostnader til drift av verksemda til Forskingsrådet, dvs. alle kostnader som ikkje er FoU-midlar som skal fordelast vidare. Unntaket er nasjonale fag-, tema- og institusjonsevalueringar som framleis vil bli finansiert gjennom FoU-midlane frå det enkelte departement.

DFD viser til tildelingsbrev frå KD som etatsstyrar for nærare framstilling av kva tenester Forskingsrådet skal ivareta for departementa innan ramma av midlane på posten for verksemdskostnader.

Som følge av at forskingsmidlane frå 2024 er delt på to departement, vil finansiering av kunnskapsgrunnlag for vurdering av vidare forskingssatsing på regional utvikling og distriktsutfordringar frå 2025 bli samfinansiert av KDD og DFD. Kunnskapsgrunnlaget skal finansierast med totalt inntil 1,5 mill. kroner, med 2/3 frå KDD og 1/3 frå DFD. Departementa vil kome tilbake til korleis finansiering og fordeling skal løysast i praksis.

5. Rapportering

DFD ber om rapportering på dei sektorpolitiske prioriteringane som følgjer av omtalen av kap. 1500, post 50 i dette tildelingsbrevet. Rapportering på bruk av midlane skal skje i tråd med struktur og forventingar til innhald i årsrapport for dei respektive rapporteringane til departementa.

DFD ber spesielt om rapportering på eventuelle utilsikta konsekvensar av delinga av KDD. Dersom Forskingsrådet meiner det er behov for omprioritering mellom DFD og KDD sine sektorområde, skal det takast opp med begge departementa så snart som råd.

6. Styringsmøte

DFD, i samråd med Forskingsrådet, vurderer om det er behov for eit oppfølgingsmøte etter den skriftlege tilbakemeldinga på årsrapporten. Departementet vil gjennomføre eit styringsmøte hausten 2024 konsentrert om forslag til budsjett, utkast til tildelingsbrev og annan viktig informasjon i tråd med ønskje frå Forskingsrådet.

Med helsing

Tove Nordstrand (e.f.)
fung. avdelingsdirektør

Victoria Croff Dreyer
fyrstekonsulent

Dokumentet er signert elektronisk og har derfor ikkje handskrivne signaturar

Kopi
Kunnskapsdepartementet
Riksrevisjonen